



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Prosa Exegesis.

[urn:nbn:de:hbz:466:1-68633](https://nbn-resolving.de/urn:nbn:de:hbz:466:1-68633)

O vita infelix! ô Lerna inuisa malorum!
 Si vita dici meruit hoc mortis genus.
 Quam quacumque vagos Titan agit æthere currus,
 Aut lucitus angit, aut pudenda vanitas.
 Eluctere licet capita hæc, capita illa malorum,
 Noua semper hydra fænore insurget nouo.
 O mihi quis tetricæ rumpat fastidia vita!
 Mortale nil affecto: nunc cælum sequor.

PROSA EXEGESIS.

TRISTE haud dubiè ac permolestum accidit Ecclesiastæ, primum iam atque incitatum Sapientiæ <sup>Sapiens
morti &</sup> ad gloriam atque immortalitatem cursum, iniectâ ^{obliuioni} _{obnoxius.} mortis eamque secuturæ obliuionis admonitione sufflaminari. Cùm enim hæc inter ceteras non postrema Theologis nostris occurrat ratio stabiendi animorum immortalitatis, quod homo, quasi diuinum quod-
dam animal, quidlibet animo fingat, & nouos in mente suâ mundos architectetur, quod rationes rerum universales à materiâ, loco, ac tempore diuulsa, per se compleetur, quod ipsa quoque obiecta, non ut amica sensibus, sed secundum proprias rationes, ut vera, ac æternis rationibus conformia sibi repræsentet; de-
nique quod illimitatam quamdam sortitus sit intelligendi facultatem: æquum sanè videbatur, ut qui animum à contagione carnis abducent in Sapientiæ palestrâ præ ceteris exercuissent, eosdem æterna Sapientia à mortis, aut certè, quod proximum erat, ab obliuionis interitu vindicaret.

Hoc postremum sibi persuasum habuit Seneca de ^{Seneca de} _{Brent. vi. cap. 15.} vitæ breuitate differens. Sapientis, inquit, multum patet vita, non illum idem, qui ceteros, terminus inclu-

O dit.

dit. Solus generis humani legibus soluitur : omnia illi sæcula , vt Deo , seruiunt. Plus etiam innuit certamen illud opinionum , quod inter Stoicos reperitur: quorum nonnulli stultorum animas mox interire censuerunt , sapientum autem ad aliquot centena annorum millia quodam quasi immortalitatis genere donari.

Lipſ. Phy-
ſiolog. li. 3.
cap. 12.

Sic enim Tacitus : Non cum corpore , vt sapientibus placet, extinguuntur magnæ animæ. Et apud Laërtium Cleanthes omnes permanere ait usque ad conflagrationem mundi (quam , vt antè dixi, post trecenta millia annorum recurrere, tradit Iulius Firmicus) Chrysippus solas sapientum. Sed futile est illud Stoiorum discrimen , & vanum cerebri commentum. *Moritur doctus similiter ut indoctus , unusque et stulti et sapientis occasus erit.* Fatetur hoc idem ille qui suprà Sapientes à communi lege eximere videbatur Seneca . Conditor ille iuris humani non natalibus nos nec nominum claritate distinxit , nisi dum sumus. Vbi verò ad finem mortalium ventum est, Discede, inquit, ambitio : omnium quæ terram premunt , si remps lex esto. Quid igitur ? nullamne prærogatiuam habebit in terris animus ille tot studiis vigilisque confectus ? ille tot scientiis excultus ? illud sapientiæ sacrarium ? illud diuinorum humanarumque legum tabularium ? illa communis vitæ norma , & spirans quædam lex ? Nullam habebit. An nec illud saltem assequetur , vt vitæ breuitatem possit æternâ posteritatis memoriâ consolari ? Ne illam quidem mercedem vitæ laudabiliter aetæ natura cum sapiente pacta est. *Non enim erit memoria sapientis similiter ut stulti in perpetuum , et futura tempora obliuione cuncta pariter operient.* Quotusquisque est illorum sapientum , quos plurimos ante cataclysum diuini-

Seneca E-
pist. 91.
Omnis
mortis ob-
noxia.

uinitus institutos esse non est dubium, cuius vel solum nomen sit ad posteros propagatum? *Quis vel centesimum eorum Sapientum nouit, qui Homeri, Solonis, Pythagoræ, Platonis ætate innumeros sapientiæ candidatos celebritate nominis sui in Ægyptum, Chaldæam, Græciam, Italiam excuerunt?*

Præterea ut de iis loquamur, quorum nomina crebro usurpantur, vbi nunc liber Democriti de constantiâ? ybi alterum eiusdem opus de tranquillitate animi, quod egregium volumen vocat Seneca? vbi Panætij Stoici eadem inscriptione liber, & alius item Hipparchi Pythagorici? Et ne nimis obsoleta producere videar, quām multos Scriptorum laude claros commemorat Athenæus, & multò recentioris memoriæ Photius Patriarcha Constantinopolitanus, quorum illustria scriptorum monimenta æternâ obliuione sepulta sunt? Horum verò, quos hactenus litteratus aliquis ab obliuione vindicauit, nihil fermè præter nomenclaturam nouimus. Ceterū albíne fuerint an atri, quo genio aut ingenio, quibus moribus aut rebus gestis, plerumque nescimus.

Sed quòd decora nouimus vocabula, ait Boëtius,

Num scire consumptos datur?

Iacetis ergo prorsus ignorabiles,

Nec fama nostos efficit.

*Scriptorum
monimenta
interreunt.*

*Photius in
Biblioth.*

*Boëtius de
Consolat.
lib. 2 Mc-
tro 7.*

Et ut demus, Sapientum scripta omnia manibus teneri, ac in iis viuam animi effigiem nobis repræsentari; quām diuturnum id futurum est? Maior ne spes cuiquam affulgere potest ingenij sui monimenta ab interitu vindicandi, quām magnis illis eloquentiæ ac Philosophiæ principibus Ciceroni & Senecæ? Et tamen Orationes Senecæ, & Exhortationum libros, & li-

*Lipsius in
Vita Sene-
cæ, cap. 10.*

O z brum

brum de Terræmetu, aliumque de Superstitione, & (quod maximè deplorant erudit) Moralium libros, temporis nobis malignitas inuidit. Et ut alia Ciceronis præteream, nōnne duo præstantissima eius ingenij deposita nescio quis casus, an fatalis quædam posteriorum ignauia dissipauit? Consolationem scilicet de morte Tulliæ, in quâ paterno affectu stimulos acuente, seipsum vicit eloquentiâ, & sex de Republicâ libros, quo fetu non aliud ipse teneriùs complexus est, aut maiore laude prosecutus. Si præcipuis summorum virorum monumentis obrepdit obliuio, quis reliquis eorumdem lucubrationibus æternitatem pollicebitur?

*Vana est
nominis im-
mortalitas.
Boëtius de
Consolat.
lib. 2. Pro-
sä 7.*

August.

Vt tamen demus hæc æternatura, cuius tandem pretij nobis erit hæc nominis immortalitas? Nam, ut ait Boëtius, si, quod nostræ rationes credi vetant, toti moriuntur homines, nulla est omnino gloria; cùm is, cuius ea esse dicitur, non existat omnino. Sin verò sibi mens benè conscientia, terreno carcere resoluta, cælum libera petit; nōnne omne terrenum negotium spernit, quæ se, cælo fruens, terrenis gaudet exemptam? Si denique læsæ maiestatis diuinæ rea æternis inferorum suppliciis emancipatur; quis tandem gloriæ sensus aut gustus ad miseros illos ex gratâ posteriorum memoriâ redundabit? Quid enim Socrati, quid Platoni, quid Aristoteli, quid Zenoni, quid Seneca, quid Ciceroni inter inferni cruciatus tot sæculorum encomia plaususque contulerunt? Laudantur vbi non sunt, ait Augustinus, tormentur vbi sunt. O misera mortalium conditio! ô triste calamitosæ huius vitæ fastidium! in quâ nec virtus, nec voluptas, nec temulentia, nec sobrietas, nec sapientia, nec stultitia, vanitatis ludibriis eximuntur. Si hæc omnis vita, quamcumque in partem te verteris,

vani-

vanitati obnoxia est; quæ tandem consolatio viris bonis est reliqua, nisi ut Deo se probent, æternisque rationibus vitam instituant, & sic demum postumam in cælo beatitatem præstolentur? de famâ in terris propagandâ nihil laborent, sequatur vel mala, dummodò bonam apud posteros mereantur.

SECTIO SEXTA.

ECCLESIASTES.

VERS. 18. Rursus detestatus sum omnem industriam meam, quâ sub Sole studiosissimè labraui, habiturus heredem post me,

19. quem ignoro, vtrum sapiens, an stultus futurus sit, & dominabitur in laboribus meis, quibus desudaui, & sollicitus fui. & est quidquam tam vanum?

20. Vnde cessavi, renuntiauitque cor meum vltrâ laborare sub Sole.

21. Nam cùm alias laboret in sapientiâ, & doctrinâ, & sollicitudine, homini otioso quæsita dimittit: & hoc ergo, vanitas, & magnū malum.

22. Quid enim proderit homini de vniuerso labore suo, & afflictione spiritus, quâ sub Sole cruciatus est?

23. Cuncti dies eius doloribus & ærumnis pleni sunt, nec per noctem mente requiescit: & hoc nónne vanitas est?